



Broj: 02-11-6034-2/23
Zenica, 14.06.2023. godine

Na osnovu člana 68. stav 4. tačka i) i člana 70. stav 1., 3. i 6. Zakona o javnim nabavkama BiH («Službeni glasnik BiH», broj: 39/14, 59/22), na prijedlog Službe kabineta Gradonačelnika, Gradonačelnik grada Zenica donosi:

O D L U K U

o izboru najpovoljnijeg ponuđača za pružanje usluga izrade projektne dokumentacije za izmjene postojeće regulacije dijela rijeke Kočeve u dužini 130m, na potezu ispod kružne raskrsnice - rondoa Studenac Grad Zenica

Po provedenom otvorenom postupku za pružanje usluga izrade projektne dokumentacije za izmjene postojeće regulacije dijela rijeke Kočeve u dužini 130m, na potezu ispod kružne raskrsnice - rondoa Studenac Grad Zenica, objavljenog na portalu javnih nabavki, broj: 1355-1-2-93-3-81/23 od 26.04.2023. godine i u Službenom glasniku BiH, broj: 31/23 od 05.05.2023. godine, za najpovoljnijeg ponuđača izabran je:

„TEAM HIDRO“ d.o.o. Sarajevo

O b r a z l o ž e n j e

Po provedenom otvorenom postupku za pružanje usluga izrade projektne dokumentacije za izmjene postojeće regulacije dijela rijeke Kočeve u dužini 130m, na potezu ispod kružne raskrsnice - rondoa Studenac Grad Zenica, učestvovali su sljedeći ponuđači:

1. „Design & QC“ d.o.o. Sarajevo
2. „IBIS“ d.o.o. Zavidovići
3. „RADIS“ d.o.o. Istočno Novo Sarajevo
4. „TEAM HIDRO“ d.o.o. Sarajevo
5. „HIGRACON“ d.o.o. Sarajevo
6. Centar za projektovanje i konsalting „CPK“ d.o.o. Banja Luka

Ponuda ponuđača „HIGRACON“ d.o.o. Sarajevo ne ispunjava uslove iz tenderske dokumentacije, ponuđač je u Obrascu za cijenu ponude, na mjestu predviđenom za upis ukupne cijene bez PDV-a upisao cijenu u iznosu 4.600,00 KM bez PDV-a, te na mjestu gdje je predviđeno da se upiše popust, ponuđač je upisao cijenu PDV-a, u iznosu od 782,00 KM, i na kraju na mjestu predviđenom za ukupnu cijenu sa popustom bez PDV-a upisana je cijena od 5.382,00 KM, čime obrazac za cijenu ponude nije popunjen u skladu sa tenderskom dokumentacijom.

Ponuđač „HIGRACON“ d.o.o. Sarajevo je u svojoj ponudi, na strani 10. dostavio -Rješenje Federalnog ministarstva poljoprivrede, vodoprivrede i šumarstva, broj: UP-I-07-02-21/2-584/21 izdato 31.05.2021. godine, što nije u skladu sa tačkom 3.2. tenderske dokumentacije, čime se ponuda ponuđača „HIGRACON“ d.o.o. Sarajevo odbacuje u skladu sa članom 68. Stav 4. Tačka i) Zakona o javnim nabavkama i ne ulazi u dalju evaluaciju ponuda.

Ponude ostalih ponuđača ispunjavaju uslove koji su zahtijevani u Tenderskoj dokumentaciji.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Procijenjena vrijednost za javnu nabavku iznosila je 8.500,00 KM bez PDV-a..

Procjena ponude i rangiranje, dati su u Zapisniku Komisije broj: 11-11-6034-9/23 od 14.06.2023. godine, a izvršeni su na osnovu Poslovnika o radu komisije, broj: 11-11-6034/23 od dana 23.03.2023. godine.

Iz navedenog Zapisnika proizilazi da su ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	„TEAM HIDRO“ d.o.o. Sarajevo (Vilsonovo šetalište, 71000 Sarajevo, ID: 4202883880001)	3.950,00 KM	100
2.	„RADIS“ d.o.o. Istočno Novo Sarajevo	4.290,00 KM	92,07
3.	Centar za projektovanje i konsalting „CPK“ d.o.o. Banja Luka	4.970,00 KM	79,47
4.	„IBIS“ d.o.o. Zavidovići	5.980,00 KM	66,05
5.	„Design & QC“ d.o.o. Sarajevo	6.000,00 KM	65,83

Ugovorni organ je izvršio izbor najpovoljnijeg ponuđača „TEAM HIDRO“ d.o.o. Sarajevo na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-6034-1/23 od 23.03.2023. godine.

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.4. tenderske dokumentacije.

Na osnovu izloženog, odlučeno je kao u dispozitivu.

Pouka o pravnom lijeku


Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

- 6 x Ponuđači,
- 1 x Tenderska dokumentacija,
- 1 x Služba kabineta Gradonačelnika
- 1 x a/a



GRADONAČELNIK ZENICE

Fuad Kasumović